

楊文靖公集十二

詩



通山先生全集卷之二十八

詩一

五言古風

此日不再得示同學

此日不再得類波注扶桑蹊蹊黃小群毛髮忽已蒼  
願言媚學子共惜此日光術業貴及時勉之在青陽  
行已慎所之戒哉畏迷方舜跖善利間所差亦毫芒  
富貴如浮雲苟得非所臧貧賤豈吾羞逐物乃自戕  
胼胝奏艱食一瓢甘糟糠所逢義遠然未殊行與藏  
斯人已云沒簡編有遺芳希顏亦顏徒要在用心剛



漢人曰云我簡臨前蓋若未厭亦厭新要亦用心  
無如素驥身一體甘辭辭似重義重然未敢許與  
富貴與我雲音非而如貧與我與我與我與我  
許已與我之好我身我我我我我我我我我我  
歸言嚴學子共部我日失排業貴及排我之我我  
此日不再歸歸我我我我我我我我我我我我

此日不再歸示同舉

正言古風

書一

山火土金木水之

矧茲故人分義等天倫戚卓哉子陵心秉哲固前識  
投身參名爵豈得枉尋尺萬鍾雖云富樊雉非予匹  
石瀨清且泚蒼崖聳而直揭竿事幽尋釣水鮮可食  
羊裘御冬温衮繡未云益三旌屠羊肆義在不吾易  
用舍各有趣高風亘今昔

冬至日聞雷

土圭日已南百年生有期新陽潛地脉恹恹群陰微  
尚覺雲氣昏嚴飈弄寒威狂雷與驟雨奔逐如喧擊  
百虫誤驚蟄生理亦已虧向晚怒声息霰雪交餘輝  
凌寒山驛孤持盃空自疑



寒山轉苍苍，山色有无中。

白雲生處有人家，停車坐愛楓林晚，坐看牽牛織女星。

空山新雨後，天氣晚來秋。明月松間照，清泉石上流。

竹喧歸浣女，蓮動下漁舟。但使願無違，無負白雲人。

冬至日聞雷

用舍各首避高風，豆今昔

年乘勝冬風，未云益三秋，寒年轉甚，身下不覺

五賊，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可

亦，且此意，豈非前古，然亦未嘗不覺，下可



彼美谷口翁杖策來往頻明月自為友顧影相為鄰  
 擷芷佩芳蘭不與麋鹿群虛堂發輝素黃卷日相親  
 采薇筆晨羹弋鳧侑清樽曝日負岩竇為童浴溪濱  
 微吟曳雙屐踏破青苔紋歸與自樂只此意將誰論  
 點狂聖所與聊歎繼餘芬

右詠歸堂

昔君居隱鱗投竿拂珊瑚

國華故居有隱鱗洞洞前有釣臺

今來寓

谷口結亭事春鋤亭下十餘畦蔚蔚富嘉蔬野果樹

朱甍蔓實垂青椽薪根有躄鷓晨炊勝彫胡豈惟充

君腹鄰里亦厭餘蔬泉動地脉磽确成膏腴諒彼漢

陰人假脩匪吾徒避俗柴桑翁不復嘆荒蕪卷懷經

綸手治平此一畝居知子非隱淪聊以寓壯圖人生

出處分禮義安可踰茲謀異樊須甘事小人儒

右老圃亭

送虔守楚大夫

元祐戊辰

象緯辰心次雄都水濁時經天浮瑞彩絕代出英姿  
 厚德千金壁虛懷萬頃陂霜蹄來漢苑死雲翻上天池  
 籍：才猷美皇：使節馳飛書騰衆吻橫穿實通達  
 剖竹章流遠還車蜀道巖除成都憲以臺章罷得虔守秦庭徒被  
 指趙壁本無疵黃霸初勤細裴公可範規惠流三郡  
 俗名掩四賢祠大厦資梁棟承祧賴鼎彝會須紆袞



繡寧久駐旌麾畫航行空挽甘棠去益思烟波迎棹  
急江柳拂墻低賤士行藏拙參軍秩序卑生涯惟蠹  
簡事業付毛錐懶惰文園病伶仃曼倩飢自甘同跛  
鼈未忍舍羈龜朽資難雕繪餘生辱品題寒爻回暖  
律陰壑得晴曦終愧麀頭賤難酬國士知兩行淵客  
淚感激自沾頤

縣齋書事寄張世賢

朝衙群吏集戢戢同隊魚暮衙群吏散翩翩若鷺鳥  
歸來坐虛室開編對璠璣啓戶閒無人清風入吾廬  
持盃邀明月大嚼時與俱跼蹐步松陰對影聊相娛  
嗟予懶惰久濶略與世踈故人隔清湘懷抱何由舒  
為問魯山翁此意今何如

黃彥昭時思閣

前有連理檜

孤丘鎖千岑層閣跨雲起永懷霜露思時未薦醪醴  
欽宗貴收族蟄々神亦喜故令傲霜根駢枝復連理  
黃侯渥注種一躍不容擬慶源如歸墟萬壑自奔止  
終見君子鄉乃是鳴珂里

江陵令張景常萬卷堂

民生結繩初異字本同體誰令四目翁破肉作瘡痛  
龍龜出河洛茲理固天啓張侯瑚璉姿高步軼前軌



寶書費千金充屋未云已六經瀟溟渤百家襟原委  
中流湧千波舉体惟一水參前有真趣萬古一憑几  
毫端吐奇芬溢目麗純綺微言窺聖域妙應期得髓  
默坐筌蹄忘斯文亦糠粃

送蔡安禮

眷言與君違寤寐念往昔結歡自童稚分比膠投漆  
乖離成參商出沒俱齊汨義和鞭日御過眼飛鳥疾  
五載一相逢俯仰如昨日論情方繾綣念子又何適  
行矣不可留惆恍心若失人生惟所遇行止或使尼  
况復各宦遊聚散何可一嚶嚶黃鳥聲上下示其匹

俛首聽遺音飄零淚橫臆

題愚齋

溪東黃室

結廬依林立田峰予盥紆下關清池淵憑軒數游魚  
飛閣出雲表浮烟襲簪裾中有傲世士脫畧自謂愚  
高義輕羸金貽謀有詩書青編富充宇散秩羅瓊琚  
鱗七壁間題一一露珊瑚嗟予久昏塞荒蹊少耘鋤  
昌黎已隔世將焉問夷塗道逢北山公荷鍾時與俱  
皎皎河曲叟朋儕共歎歎高坐一來遊豁然心神舒  
籬東有餘址誰能薙榛蕪結茅可容席一瓢來此居  
寄謝陶彭澤何必愛吾廬



董氏必大亭

生前作此亭

超遙武夷翁霞衣爛朝日作亭依雲根望壙茲焉息  
仙游去不返孤丘已陳迹身雖隸編齊貽謀有遺則  
慶流終必大名亭以為識伊昔晉公堂三槐手親植  
扶踈滿庭陰貂蟬映圭璧默視天人際召應齊律呂  
閭門容軒卓茲理固可必終見童氏里鳴珂聲赫奕

江上晚步

赴荆南詩

鏡潭磨青空壁月侵江添攢衣弄清泚烟烟月在掬  
冷然適我口肝膈貯冰玉流光頃百變一玩不可復  
歸來盡餘樽醉臥媚幽獨羲娥偶相憐歲往如破竹

徐生枕中付勿問黃梁熟

荆州偶作

鄭公稽阮流野性本麋鹿平生傲羲皇白首就羈束  
大寒客無檀官冷飯不足頽予支離人攘臂受餘粟  
江魚尾盈尺飽食勝梁肉荆山富樵蘇文室有餘燠  
頑踈愧前哲所得踰往躅談經追時好俯仰負愧忸  
流光逝不反愁鬢日改綠世道劫火燃不爐乃良玉  
晚交定難恃雲雨手翻覆官居真遽虛東搭聊託宿  
求田意雖鄙此計正宜速歸尋谷口耕勝賣成都卜  
坐想帶經鋤倚耒聽布谷



送鄭季常赴大學正修

驅車出西城眷言與君違北顧臨康衢問子將焉之  
赤驥度渥洼終當飲瑤池成都九軌道一躍不可追  
浮塵暗荆棘旋徑行多迷長風戰秋林零露沾人衣  
青松不改柯期子清霜時

次韻何吉老遊金鑿寺

榮名嗟何為病木自生癭彭殤一夢覺烏用論久頃  
寧身淵明廬儵然在人境衛生鄙樊雉放浪任流梗  
相忘到形影世累不須屏判鉞聊自營寧復事干請  
負暄有餘燠蓬髮亂垂頸客來坐無羶誰顧廣文吟

忽聞過吾門冠屨不暇整邀我招提游並轡相與騁  
僧閑叩禪寂未語心已領並游皆韓徒辭丹濟鋒穎  
多聞富如坻吾方拾遺秉顧慙管窺陋未覩豹文炳  
謬追俊游後如渴得甘井願從借金篋為割眼中青  
鼻端壘漫久妙質愧非郢賡酬困詩律恐坐杜陵厝  
相携上層崗出戶畏溪窅每虞參也魯頭步輒三省  
遲回月初上雲間掛金餅昏鴉鳴相呼更覺林逾靜  
湖光湛星漢渺渺天水永歸蹊暗塵土回首失清景  
角声下譙門歸步怯脩嶺晚市人迹稀青燈耿踈影

金鑿有退之題名故有韓徒之句



送趙循道赴都講 南陵人

鳳山鬱崔嵬下有千頃陂 南陵鳳凰山大陂溉田千頃 峻極不可

攀浮光亘長髮晦冥滴風雨澄淡含環竒吸呼入君

懷萬態羅心脾吐辭麗金腹煥若星斗垂竭來荆渚

游紅蕖照清漪故宮久零落一洒增余輝惇族貴老

成堯言下丹墀浮駮駕雲帆眷然成化離長裾曳王

門豈比困鹽齏驛驢踏長板萬里誰能羈

送胡康侯使湖南

北溟有潛鱗其廣數千里揚鬣厲東海汎汎等蜉蟻

百川競奔注漫不見涯涘寄之天地間大澤鼎空耳

胡侯荆山姿妙質久礪砥飛聲動旌冕持節照湘水

功名與時會事道從此始驛驢駕輕車夷路道九軌

朝燕暮騰越快意未為喜聖門學須彊一簣虧可恥

擴之天地寬於道乃云適為士貴弘毅無忘味斯旨

寄題趙貫道後樂亭 亭在沂州新泰縣

叢祠有狐鳴群雛滿東州彬彬齊魯郊不復論軻丘

鼓刀販繒翁袞袞封公侯風流日凋弊世久俗益偷

昔時戴經人輟耕仍佩牛椎埋晝行盜閭里更相讎

趙子尉平陽始止惟民憂百花爛成園幽禽哢春柔

問子胡不樂我心殊未休威明揉彊梗驕鷹化為鳩



買犢解吳鉤束身自鋤耰田廬戶無樞長物弃不收  
結亭自樂只開編玩前脩誰云酸寒吏憂樂非身謀  
乃知君子懷與世異沉浮嗟予一漫叟放浪猶虛舟  
舞雩有清風遺迹今在不君乎去此矣歎往將誰儔  
寄言春服成尚覲一來游

謝詹司業送酒

鄭公負才名流落四十年高視隘八荒天寒坐無糧  
忘形賴司業時與送酒錢嗟予樗櫟材臃腫世所捐  
云何附青雲拜賜追前賢開壺對青樽向愧顏覲然  
公乎廊廟安直幹上參天袂服群娃宮不虞姑爭妍  
驂駟詠一歌萬里終騰騫朝燕暮刷越駕馬安能先  
玉瑩本無瑕寧須事石鐫宣室久虛席茲行定詳延  
陋儒氣填臆感榮聊自宣辱惠不知報強歌成短篇

戲贈詹安世

善談兵慕耿弁之為人故有虎牙之句

綵舟駐閩門初與子相識長空翫秋隼爽氣橫八極  
檣辭鏤圭章吐論森劔戟鄧侯不願仕志在書竹帛  
長纓係單于落落蘊竒策氣吞流沙外意無燕然北  
虎牙有餘勇戎虜非疆敵會當朔風勁仗鉞控鳴鏑  
老夫慙哀謝見子徒感激平生謬經綸此意已寥寂  
信哉功名會事道古難必窮通付時命未足為悅戚



餘生如鼯鼠滿腹微分畢行矣脫簪纓條然適吾適  
安世乃司業之  
子年少未受官

### 隱几

上天不殞霜萬木正鮮澤青蒿與長松各挺歲寒節  
朔風吹沙寒高嶺凍積雪萬木已摧落長松獨清潔  
人生無艱危君子竟何別隱几試澄思行藏易差轍

### 留別富宣德

富侯荆山姿落落混燕石鐫磨經世故不磷乃天質  
軒裳儻來寄既去寧須戚驂駟走長坂一跌未為失  
秦庭謬瑕疵睨柱終完璧君子有遠懷事道先器識

千鈞等鴻毛始見烏獲力行矣各勉旃他時賴三益

### 別西齋諸友

浮雲如積酥涼颯勁絃疾溶溶渺天末飄忽易相失  
懸弧四方志匏繫非予匹平生結歡久始願膠投漆  
別離傷素懷此身任萍迹

### 遣懷

君子雖自嚴至潔宜若汙昭昭揭日月所向將蝟如  
天地一窠中逼亥身亦孤游世在虛已浩蕩與時俱  
靈府有天游環中真道樞

### 元豐壬戌歲暮書事



閩陬地力盡種藝被山谷濟濡一雨潤鬱之原野綠  
春風忽云徂舒景變炎煥涼颺動地軸擎歛何神速  
坐愁林巒空俯視萬木禿疑霜借風力摧折到松竹  
嗟予閉門人感此亦愁蹙幽庭有萱草采采不盈掬  
如聞糟牀註取醉須百斛沉酣樂時運天關不須觸  
萬物一芻狗蒼蒼自高目

綠漪軒

開池傍清軒環除種蘭芷虛明淡星漢踈影薦鳧履  
君乎試憑軒鑑此亭下水盪風生微瀾風定還泚泚  
悠然得真趣吉祥來止止

迂踈堂

終南有捷徑屈蠖終當伸君獨耻不蹈安得與世親  
結廬寄人寰獨往寧問津形影靡酬贈相忘誰與隣  
寄謝漢陰叟抱甕良非真

鄱陽湖觀打魚

小龍廟在湖上崇寧壬午

秋高水初落鱗介滿沙脊浩如太倉粟寧復數以粒  
紛紛漁舟子疑若俛可捨橫湖沉密網脫漏百無十  
虫蝦雜魴鯉駢首吐微濕小人利口實刀杙汗鱗鬣  
鯤鯨亦狼狽風雨移窟宅玉淵有神祠變化在嘘吸  
胡寧飽羶香忍視萬魚急幽潛不足恃感嘆百憂集



寄謝漆園吏於計未為得

送嚴尉

世路久艱棘青冥翳妖氛孤鳥叢祠中豺虎填城圍  
君能摘姦伏竭澤無潛鱗勿云功未酬屈蠖終當伸  
飛黃架輕車一躍窮無垠

檢田

尋崙上層崗隨衝出高原烟火一里餘雞犬遙相聞  
瘠壤僅容席訟牒徒紛綸齊魏兩蝸角况復三家村  
舉世競豪禾薄俗寧足論吾哀過元亮欲辨已忘言

送向和卿還京子韶

江湖多秋風愴恍夜不眠念子將北歸起視明星懸  
君平翠蚪姿聳身蒼梧淵高步隘八區凌風上青天  
妙質蘊荆璞寧須事磨鐫贈言以為別安意追前賢  
聖言乃常珍含咀真味全竒辭暫時好遇眼如飛烟  
潔身忌廉潔觸物冥虛船吾方病羸齋市藥還自憐  
明日隔長坡相望空惘然



望言心常... 且真水... 古稱... 後... 即... 飛... 獸... 必... 以... 安... 意... 出... 節... 贊... 天... 下... 平... 林... 變... 時... 長... 林... 高... 成... 謝... 人... 到... 爽... 風... 上... 青... 天... 部... 北... 朝... 凌... 縣... 即... 星... 懸...

龜山先生全集卷第三十九

詩二

七言古風 附長短句

酬林志寧 志寧後學河  
南二程先生

君不見昔時卜年公折龜食墨瀍澗東伊流洛水環  
紫宮廣輪千里天地中真人一往不復見昂湖弓劍  
空遺殿陰陽所交風雨會和氣自古生英雄邇來百  
千歲零落多音窮鳴臯少室崢嶸倚天闕下有田淵  
萬仞蟠夔龍蒸雲結雨氣濛濛惟有蒼髯紫額已玄  
珠時發光燄凌烟虹成周太平鬱餘策但令沫泗生



清風羨君妙齡有僊骨乘槎暗與天潢通萬里不一  
息去若孤征鴻决開銀河浪分出一派懸秋空領予  
山野姿未老心已慵謬後君子游營道術偶同有如  
退之與東野自慙青蒿倚長松感君惠然抵山谷開  
談冰雪清吾脰高堂黑髮顏如童未須念此心忡忡  
幸有山前清泉冷可酌與君啜甘茹草忘春冬

題贈吳國華釣臺

國華自作記不取嚴陵

君不見釣璜溪上白髮翁一竿西去追冥鴻田車同  
載非巖態鷹揚烈飛如飄風又不見羊裘石瀨垂綸  
叟爽槩凌天動星斗萬乘故人親訪求臥對鷺與忍

回首聖賢遇合自有時繫身亂倫非所知高風寥寒  
古已往較然得失知者誰君有釣臺臨橘水橘溪不  
與桐溪比收身欲攝渭老蹤笑撫長髯照清泚澄潭  
夜月秋光浮撇波短艇沿汀州長繩巨石不能繫飛  
帆片席歸蓬丘巨鈎沉餌牽九牛一鈎直掣金鰲頭  
脩鱗擺鬣浪山起雲鵬飛翻忽千里跨雲憑翼上青  
冥一點孤光厠箕尾

贈別蔡武子被誣得釋赴泉州錄參

君不見馬伏波後車薏苡珠璣多又不見章臺秦壁  
非有疵相如謬使秦人疑匡章不孝通國非世無孟



子知者誰惜君高材兼衆美完德泛來速招毀含沙  
怒欲陰中之剛引涇流汗清泚輕雲捲盡天日明容  
光竅冗無潛形刮磨玉瑩冰雪凝楚人謾費塗丹青  
齊遶有鳥又不鳴會須一舉天衢亨北冥歛起風雷  
驚修鱗巨鬣隨波輕不須回首顧潛鯨好乘扶搖九  
萬里奮迅六翮飛南冥

入山行

蒼崖峭立青天涯古徑蕪沒沿清溪深林四合晝亦  
暝寂寥惟有哀猿啼野人心形灰死如槁木山禽見  
之猶驚飛因嗟太古不可復我無機械胡相疑

假山

衡湘側南二千里清淑之氣常蜿蟺丹沙玉石氣所  
感融結萬伏非磨鐫窮源荒蹊異岱狀不途禹績經  
棄捐苔封土蝕誰復問嶙峋僵卧當市廛龜山老叟  
見之喜鳩徒輦置羅前軒岩堯孤峰露仙掌

有一石如掌

屹若太華青摩天傾崖斷壑坐中見葱蒨似玉生雲  
烟初疑社龍未死日浮梁擬跨咸池淵神號鬼怒驅  
不前搖繫剝磷成研圈又疑巨人出龍伯揭竿來自  
崑崙巔連螯合負雲濤翻蓬壺簌蕩留平川繫予竟  
日倚欄檻矯首便欲追霧仙虎輪神馬自足駕已覺



兩腋風冷然瓊臺浮游與世隔醉傲笑拊洪崖肩山  
間草木即靈餌含英茹實資長年悠悠廣息變今古  
坐看溟渤成桑田

寄練子安教授

憶昨吾子客上都我獨奔走天南隅各年未壯已多  
累誤投世繹身孿拘飄零今日偶相植乃復咫尺不  
得與子俱人生委質金在爐大冶鼓鑄誰號呼惟愁  
竣跋走塵土舊業已廢成荒蕪惜君高才卓犖與世  
畸雄文洒落珠陸離雷驚電赫轉坤軸風號浪擊飛  
天池珊瑚挺榦滄海竭騏驎超軼不可羈經綸有道

世莫知積中良璧始自竒君不見扶藜隘巷蓬華屋  
短褐甕牖桑為樞擁門軒蓋何所慕藜藿自飽非癯  
如又不見楊雄寂寞守太玄弃捐覆瓿真可憐折腰  
小吏昔所恥田園須賦歸采篇終當結屋蒼厓巔期  
子相與臨清泉投簪解帶謝人世拂塵披蠹親遺編  
松皴檜老生青烟雨餘風弄鳴哀絃低回野興有真  
意浮名鶴雀過吾前結歡膠漆常連、從游鹿豕終  
長年

送富朝奉還闕

紹榮字國華

君不見慶曆承平道如砥馳車八荒同一軌膚人鴟



張怒螳臂百萬雲屯若封豕又不見朔方橫流漲天  
 起腐麥蛾飛木生耳扶攜道路雜老幼操歌溝中半  
 為鬼關河日夜刀斗驚嫖書乘駟來渝平兵間持節  
 得英傑談咲坐使羈長纓青社環城萬區屋發廩分  
 曹具饘粥饑羸枯頰陡生光叢塚不聞新鬼哭臧孫  
 有後天匪親問門容車何足論竭來淮上見猶子雄  
 姿宛有典刑存驂駟已度渥洼水朝燕暮越應千里  
 行看玉勒駕鑾輿濯足瑤池從此始

南康值雨

庐山臥龍菴有劉道人自云百餘歲  
碧眼不粒食惟食拓飲水每客至必

先知之歎往見之  
不果故并記之

平沙漲雪清江瀆水花照日紅生鱗軒然五老出城  
 表雕玉萬仞窺長身雲巾星弁覆華頂飛泉漱瀑垂  
 天紳平生未識廬山面碧巘橫雲望中見江頭一旭  
 雨銜天奔浪號風作悲健朝來淤泥沒牛馬咫尺坐  
 論千里遠芒鞋拄杖掛塵屋神馬尻輪歛飛轉臥龍  
 庵前碧眼翁日飲山渌飡溪松神融氣合八荒外此  
 心網、宜先通未須勤移却俗駕會應一洗塵寰空  
 寄言歸侍壺丘子他日來游當御風

遊武夷

是日泛小舟至紫窠岩  
還遊冲佑觀

函關崎嶇走秦鹿天下並遊名子群雄抉雲翻空鰲足



折黔黎竄伏如寒蛩武夷山溪水清泚避世猶有高  
人蹤龍泓東注海波涌嶺有投龍池世傳與海通玉女翠擁秋雲

松玉女赤霄真骨寫虛鑿通泉凡筆慙非工魏王峯前有畫

鶴藏舟浮梁跨絕壑山間有小橋橋西有一跡不可到隱見似

與天潢通當時雞犬不復見窻不嚴依舊烟霞籠我來

秋杪月既望尚有幽菊埋榛業收天容洗淨雨新霽雲

幕四卷清無風掀蓬進棹寤異境注目想見流殘紅

回船杖屨躡幽徑松竹窈窕環琳宮翠琬温辭耀華

袞褒詔有石刻金榜大字纏交龍自憐病骨掛塵網幔亭

高會何由逢解衣歸臥玉瑱碎仰看明月穿疎篷

向和卿覽余詩見贈次韻奉酬

杜陵頭白長昏昏海圖舊繡冬不温更遭惡卧布衾

裂盡室受凍憂黎元詩入窮愁自古爾豈若種藝依

青門嗟予老懶世不用窮巷夕雨無高軒虫鳴烏噪

感時節姿不恤緯羞前言殘章斷簡棄不錄自愧漢

潦無根源君胡袞字富褒飾三復妙語將誰論知君

獨負青雲器欲使飢者名長存

贈程舍人近侍入閩

洛公溪上鶴法翁眼光照日顏如童虎眉垂鬢有仙

骨駢集五福天所鍾螭頭暫輟三長手杖節扶輿入



龜山先生全集卷之二十九  
三十一  
閨嶠孤南一夜晶輝浮海隅草木俱榮耀朱金拜後  
古所稀繡綾全勝衣綵衣玉觴薦壽湏珍奇更待蟠  
桃結子時

岳陽書事

洞庭水落洲渚出疊翠疏峰遠烟沒重樓百尺壓高  
城畫棟沉之倚天闕湖光上下天水融中以日月分  
西東氣凌雲夢吞八九欲與溟渤爭雌雄澄瀾無風  
雨新霽一日萬頃磨青銅琉璃夜影貯星漢騎鯨已  
在銀河中湘妃帝子昔何許但有林壑青浮空

湘君居此  
因以詩名蒼梧雲深不可見遺恨千古嗟何窮須臾

悔真忽異色風怒濤翻際天黑乘陵瀨壑走鸚魅溇  
滴百恠誰能測忽看舟子玩行險更欲飛帆借風力  
安得晴雲萬里開依舊寒光浸虛碧

遣興

嵩華千仞立不碍天地寬涇渭清濁流不離海波瀾  
人生過眼萬事役記憶細故真童顏

寄游定夫

憶昨相逢鳳山址駒隙駸駸餘半紀君趨烏府近清  
光陸海驚濤漲天起雲帆大舸半摧溺艤岸得全誠  
偶爾我時捧檄赴京渚放浪江湖一浮蟻談書考古



老無用哺吸糟醜咀糠粃東歸雖復有民社為米折  
腰良可恥市朝紛紛真羿毅朔幹燕弧不容擬投身  
中地竟誰免未信棘端能捍矢重樓百尺卧玄德問  
舍求田不須鄙早歲結鄰初有約齒豁頭童今老矣  
築田預想傍田廬負來耦耕何日始

過錢塘江迎潮

銀潢翻空際天白鯤怒鵬騫海波擊湧雲噫氣聲怒  
號萬馬馳車隨霹靂低昂上下如枯槔頃刻性命輕  
鴻毛賈囊負笈有夷踞一日何事常千般因思羊腸  
盤九坂攀援蜀道愁沈徠人生觸處有萬險豈必此

地多風濤願言夷險不須問莫負對酒持霜螯

觀獵

貂裘白馬誰家子擁戟弦弧囊勁矢褰身欲與鳥爭  
飛觸處塵埃雲四起長繩驅逐狐兔驚驕鷹掣臂流  
雙睛飛揚雲間電光閃旋復草際無遺生鷲腸久厭  
鮮肥餌顧眄方能伺人意但矜鼎俎有餘甘貪殮誰  
憐殄生類安得淑氣回嚴秋徐令困拙同鳴鳩林間  
百鳥恣孳乳雖欲繫搏無知由

寄范正甫 時討西夏

羈窮莫厭如牢圈從古功名出屠販男兒不負懸弧



心馬革裹尸猶足願君不見淮陰寄食飢貧叟一作竊衣

寄食淮陰叟 胯下英風亦何有逢時吐氣雷電奔金印一作

二六如斗王門晝夜羽檄驚睥睨欲整天都城叩關

虎士鬱餘怒科頭奮戟如鷗鷹君泛壯年蘊竒策未

宜縮首藏柴荆昔人投筆真豪英慨然萬里終成名

南山白額雖欲老百獸遭之猶裂腦

吳子正招飲時權酒局不赴作詩戲之

寒爐火冷浮青烟勁風刮面如戈鋌凝陰不動天欲

雪竟日兀兀成拘攣廣文才名四十年天寒坐客猶

無擅叅軍官小技能薄寂寞冷坐誠宜然忘形杜老

偶相覓傳呼歌舞開華筵嗟予簡書固可畏不得對

飲簷花前謾有糟漿逆人鼻汝陽口角空流涎可餓

更似蘇司業只與持送酒錢

寄題環翠樓記云唐君作此樓以奉親

方壺七萬神鼇連瓊臺縹緲居靈仙鯨翻海運成桑

田異境誰使夸娥遷鈿鋒四面蒼圭圓巨靈巧以青

瑤鑄揉風洗雨淨娟娟脩眉浮空秀爭妍清溪回旋

瀉幽泉下有澄瀾湛洄淵繡楣雕欄欲飛翻凌切漢

道摩星躔恍如直跨須彌巔瑠璃凝光圍四天喜君

妙齡謝世喧萱堂慈顏白盈顛兒童牽衣戲踟躕優



此樂誰與先嗟予昔以三釜懸技身世網百慮煎  
今乎老矣誠可憐狙猿何用簪纓纏子雲終須守一  
屢誅茅結屋總數椽薜衣雜佩紉蘭荃手披白蟬玩  
青編春暉不報常欲然雖有至樂安能全

晚雨

斷霞明滅天日黝雨意晴暉爭好醜浮雲冉冉無定  
姿白衣忽變如蒼狗悲風激烈河漢翻雨脚如麻飛  
霰寒山深氣腥豺虎亂乾坤四合誰云寬將溪溪上  
野客懶成癖怯寒手攣面如墨把盃強吞僵立歌闌  
門獨愁天已黑

贈醫者鄧獻臣

天地一氣猶冶甄珽植萬彙隨方圓神形九藏通九  
野八風中物如戈鋌天元玉冊有遺義探索始自三  
皇前棄君越人不世出鏡石鍼灸誰能傳賤工增餘  
損不足往往橫矢殘天年羨君妙齡踵其學至理隱  
順常精研聞陰得陽以裨遇反視方術猶蹄筌道隅  
疥癩即為餌車上已有長蛇懸嗟予羸爾苦多病維  
摩丈室方蕭然願君速已天下疾為予一洗沉痾痊

與將樂令會飲揖仙亭

灘流斗落惟璫璵雕欄照水光如濡層巒亦壘巘爭蟠



山先生全集卷之二十九  
紆翠岩百尺蹲於菟何年巨人出歸墟揭竿合負神  
鰲趨飄流人間峙蓬壺至今猶為僊聖居飛輶往來  
誰與俱下有馴雉隨雙鳧英風爽氣凌清虛楮間新  
詩露珊瑚碩余老懶與世踈欲往勾瀾嗟無徒會須  
策轡追雲車無使吃口嗤癯儒

離家作二首

庚申歲作

敗葉辭故枝驚飈送微雨田廬向收穫城中亟完捕  
游子欲何之道踞修且阻俛首謝田父予生厭羈旅

又

胡鴈依朔風群飛逐南翔遊子方北征朔風吹我裳  
攬轡望雲間夜色正蒼蒼空羨南歸翼幽懷增感傷

過漢江

西極鰲足折東南地維傾衆流競趨下汹汹歸滄溟  
誰能跨明河挽此經天行世難乘槎翁此意終冥冥







龜山先生全集 卷之四  
小智好自私小德常自足  
自私開人賊自足心有目  
瑕瑜不相掩君子比良玉  
默默枕上思戒之在深篤

雨寒

天幕陰雲積蕭蕭雨正淫  
泥污關市寂水入御溝深  
破屋寒侵骨哀絃凍絕音  
更愁風力健瘦怯不能禁

歸雁

天末驚風急江湖夜思長  
悲鳴愁絕塞接翼冒清霜  
澤岸多繒弋雲間乏稻梁  
茫然栖息地飲啄欲何傷

感事

世事浮雲薄勞生一夢長  
散材依櫟社幽意慕豪王

風激鷹鷂迅霜殘草木黃  
投閑如有約早晚闕耕桑

過關山

牢落關山踏年來倦往還  
長隨流梗泛有愧白雲閑  
親遠江天外魂勞夢想間  
泫然遊子淚挹盡復沈瀾

又

歲律行將暮颼風凌九坂  
山深人寂寞踞遠馬虺隤  
幽意漫誰展愁懷殢酒開  
衰遲仍惜日投晚獨徘徊

晚泊遇雪

向曉驚風急飄零雪滿垆  
氣升雲幕天遠月冥冥  
寒色終無賴豐年謾寄聲  
舖糟吾不慣殢醉復還醒



又

寒逼歸鴻急悲鳴聲更哀舞風斜翳日帶月暗欺梅  
平野光初合陰雲凍不開無聊還殢酒顛倒盡餘盃  
偶成

天遠何須問勞生聽若何犁鋤三畝足栖息一枝多  
白雪寧堪冒清時只浪過好尋明月影醉舞自婆娑

臨川驛偶成

冉冉朝仍暮蕭條官舍幽閉門三尺雪觸物一虛舟  
虫蠹生涯盡萍漂世事浮尚思方技學多病未能休

除夜感懷臨川驛

歲律已云盡思家日日深二年為客恨千里倚門心  
節物羅樽俎兒童學語音眩然如在目恍惚夢難尋

又

愛日乖予願親顏長在心遠遊仍換歲華髮想盈簪  
永夜誰同席殘盃憶共斟相思空有淚揮洒滿衣襟

臨川道上

風雨離山驛斷橋危欲顛去心奔逸驥行路上青天  
鴈序江湖樂雲歸島嶼連悠悠遠征客千里獨茫然  
旅舍書事

懶拙垂時尚支離與世殊饋漿驚御寇避席愧陽居



觸事紛難解忘形色易鋤不須修混沌機械本來無  
過清溪渡

天濶江銜雨冥上客衣潭清魚可數沙晚鴈爭飛  
川谷留雲氣鷓鴣傍釣磯飄零滄海客欺到一帆歸  
泛江至土坊

禹頃江湖遠孤乘一葉船雁飛雲外字蓬掩水中天  
波靜擻声息風微帆影偏回環聊注目浩蕩接清烟

秋日有懷寄從弟表民

丁伯父憂

羈旅吾方困哀思汝正煩望雲愁鴈序回首憶鴛原  
北圃蔬還盛東軒菊想繁飄零不相見沾灑獨忘言

和潭倅張朝請行縣言懷

夾道旌麾動陰霾萬里開霜迎威令肅春逐馬蹄來  
幽壑光初滿寒荻暖自回仰窺嵩華質曾未施纖埃

又用前韻和早梅二首

楚國春歸早寒梅處、開月和清艷冷天與靚粧來  
東閣詩魂動南枝歲律回蕭然冰雪態無處覓輕埃  
又

星馳經行處梅花忽已開只疑春信早先擁使旌來  
嫩萼紅初破寒柯綠未回凌霜半含月皎、絕纖埃

感事



邊徼無虞日王師討弗庭收功誇廟算行險毒生靈  
川谷旌麾暗風塵戰血腥寂寥歸馬日日斷華陽垌

又

虎士冰河側聞刀斗驚氣吞沙漠盡風蕩賊巢傾  
關塞長年戍邊塵幾日清太平陳朽富一旅百夫耕

泗上

聞將開  
亦口

淮口平沙漲檣烏向日斜微雲變蒼狗輕浪蹙浮花  
風勁回飛鴈林喧集暝鴉河流應未閉遲我到京華

又

鬢蓬凋欲盡岸憤任歌斜瘦怯重裘重慵看細字花

凍雲穿曉日晴樹繞飛鴉老大驚遲暮飄零惜歲華

又

聞道河流閉逢人每問律天高雲幕下風細水鱗  
未種江陵橘空思千里萼且邀明月伴相對解綸巾

出京

已卯歲  
九月

旅泊秋意塵沙變客衣明星爛河漢殘月暗簾帷  
風柳斜斜轉雲帆片片飛窮愁添別病衰晚意多滯

言溪早起

短日催征轡聽雞踏曉霜遠山頻入望薄酒謔搜腸  
湘浦蓴絲滑吳松鱸縷長何時一踈放把釣臥滄浪



漢坂舟行

曲岸通幽徑疎籬映竹斜塢深藏吠犬林薄露人家  
石瀨魚偏美鄰村酒易賒祗應雲水富自是一生涯

席太君挽辭二首

賢配無前古傳家有子賢四靈來薦瑞一鷄已摩天  
蒿里迷長夜悲笳慘暮烟蕭蕭原上路猶想駕雲軒

又

稟粹倚蘭秀來嬪洛水濱一窺識公輔三徙得儒真  
畫翣流雲氣松阡卧石麟哀榮今日事誰復繼前塵

湘君祠

鳥鼠荒庭暮秋花覆短牆蒼梧雲不斷湘水意何長  
澤岸蕪葭綠籬根草樹黃蕭蕭竹間淚千古一悲傷

新湖夜行

平湖淨無瀾天容水中煥浮舟跨雲行冉冉躡星漢  
烟昏山光淡桅動林鴉散夜深宿荒陂獨與雁為伴

哀鴻

哀鴻常苦飢悲鳴垂其翼朔漠曉霜寒江湖晚烟暮  
乾坤一網罟高飛亦何益日暮無與群驚風暗沙磧

鄒公輓辭二首

一伏青蒲上三年瘴海濱泉甘不出戶

公謫南方所居無水庭中



忽湧客醉豈無神公在講所忽有醉容言公將歸翌日赦至果得歸報國心

長在知恩志未伸公所居堂名知恩追懷垂絕語空有淚盈

巾又

舊德今誰在雕零已不多雲天開日月陸海自風波

空嘆與齡夢難留曳杖歌生平濟川意無處問施羅

公嘗有與齡之夢

冬曉

看瓦霜華冷暝空曉霧均氣昏難見日風過易生塵

洗硯冰紋破憑爐火色春莫嫌寒尚薄雨雪更愁人

龜山先生全集卷第四十終後學徐益麟督刊

龜山先生全集卷第四十一

詩四

七言律

登桐君祠堂

昔有隱者結庐於此人間其姓指桐樹示之故號桐君

霜染溪楓葉葉丹翠鱗浮動汐波閑盤盤路轉千峰

表冉冉雲扶兩腋間掠水輕鷗晴自戲凌風飛鴈暮

爭還結廬姓字無人會靜對庭陰一解顏

巖松

婆婆千尺倚巖巔隱隱虬姿拂遠烟尤喜地靈泉脉

潤獨愁天濶畫陰偏孤根礙石盤彌固直榦凌霜老



益堅臃腫不須逢匠伯散材終得盡天年

和鄭商老下弟

兩餘新惹一番愁展轉衾寒客思悠獻璞又添今日  
恨登科空負昔人羞林泉水石君先到京國風塵我  
尚留若為浮名苦憔悴前春行釣巨鰲頭

穎昌西湖泛舟

游賈丞相曲水園

扁舟乘興謾追尋踏轉河回入柳陰拂面落花春意  
盡避人幽鳥野情深漸無健思供吟筆賴有寒光映  
客心日暮倚風歸棹急一鈞新月掛瑤岑

春過鶯花無處尋移舟行近古城陰褰衣水上收殘  
片傾耳枝間覓好音山隔曲堤迷遠近魚跳文藻亂  
浮沉飄然自得江湖趣陡起歸興萬里心

送丁季深

烟含疎柳綠蒙茸杏頰桃英入眼紅解逅與君逢臘  
雪飄零獨我過春風空愁轉轂音塵遠且寄離懷笑  
語中後夜月明人寂々相思那復一樽同

蘄州早起

城頭雷動角声哀似共行人怨落梅欲報晨炊未  
熟喚回殘夢眼驚開霜清暗覺貂裘冷月淡空令邑  
犬猜倚杖起肩風正慘紫微繚繞俯三台



龍山先生全集 卷之四十一  
合江亭晚眺

倚杖鉤簾兩水間  
晴光飛影上雕欄  
帆催畫鷁搏風去  
雪吐鈿鋒作劍攢  
平野烟浮迷遠目  
晚溪潮漲失前灘  
騎鯨一往扶桑近  
休問人間行路難

含雲晚歸寄真師

每扣禪關即晚歸  
塵中回首萬緣非  
不愁幻翳迷心地  
且聽潮音振祖衣  
歸路往來無別徑  
夜光清徹有餘輝  
虎溪舊社知重約  
陶令如今已息機

遊玉華洞

蒼藤秀木遶空庭  
疊石層巒亦出擁  
畫屏混沌鑿開幽竅  
遠  
巨靈分破兩峰青  
雲藏野色春長在  
風入衣襟酒易醒  
採玉遺蹤無處問  
擬投簪紱學僊經

次韻思睿見寄

聖賢千古愧難攀  
力學方憂敢自閑  
願我久拋聲迹外  
慚君猶掛齒牙間  
平生拙計心長在  
解帶高風志未還  
捧檄于今非得已  
謾勞魂夢遶溪山

次韻蔡武子書懷

放形鋤色恐成光  
斲聖能令鼻不傷  
自信放魚真得計  
却憐挾策亦亡羊  
刃投有間多餘地  
語到無言輒自忘  
擾擾世紛何足問  
松窓終日獨徬徨



感懷寄鄉友 時在處州

漫浪人間已十年，簿書擾擾日羈纏。朱公謾有千金壁，季子初無二頃田。籬下蹲鴟餘晚實，雲間紫黿奮新拳。淹留寸祿空回首，一望鄉關一悵然。

贈致政楊孟堅宣德 孟堅歷三世不改官而諸子各有第宅故以揚陸為此

子雲論薦有王音 孟堅累為達官所薦 陸賈年來老境侵，自守

一官歷三世，退令諸子分千金。平生器業成幽夢，白

首功名負壯心。賴有新詩輕萬戶，未須投綬嘆堙沉。

廣文官冷竟誰憐，空負才名四十年 孟堅及第蕭散已四十年

欲尋濠上侶，飛揚還作酒中仙。龍章繡紱榮何在，鶴

氅綸巾靜自便。遙憶瀨溪風物好，勝遊應不愧斜川。

寄湘鄉令張世賢

身游羿鼓偶相逢，安得初終若駟螭。道學未容窺閭，與吏師應許叩隣。封蕭條此意君誰問，落托微官我更慵。盧白回茲真戲事，傍觀無用氣填胸。

縣齋書事

朱顏凋盡鬢鬢繁，世路低回老益慙。偶影獨游聊自

適，談書不輟竟何堪。神爐默默金徒踊 一作天君默

螳蛭紛紛夢正酣，誤把此身櫻世網。自纏微纏信如

蚕



次韻錢帳計

駸々義馭定難羈過隙馳九日夜馳但見光陰如掣  
電却尋稽覽已當暮飛黃汗血空千里秋鷄乘風此  
一時芝草鳳凰真美瑞清名應有退之知

和張侔行縣

江浮疊巘弄清輝雲外冥鴻江上歸擊目自多幽興  
在揮毫時見彩牋飛應愁零雨侵星駕好為援戈却  
晚暉帝室正須調鼎鼎動移寄語不須譏

泂幹游光大示羣老

山橫杳靄有無中疊觀層臺一梵宮萬軸琅函方一作

杜口數聲啼鳥正諺空溪雲抱影侵行屐香篆飛烟  
襲晚風薄宦羈人如接帽自慙來往苦匆匆

王簿清輝亭

黛染烟螺拂檻低抱城流水綠逶迤澄淵碎影搖青  
鏡斜日流蜂隱半規坐上盈樽無俗客壁間照夜有  
新詩登臨已動忘歸興况復清談足解頤

寄長沙簿孫昭遠

時似不催  
積欠被劾

陽城哀晚拙催科闔寢空慙罪亦多祭竈請憐君自  
遣載醪祛惑我誰過猗猗庭有蘭堪佩寂寂門無雀  
可羅歸去好尋溪上侶為投纓綬換漁簑



龜山先生全集卷之四十一  
安禮以宏詞見勉奉寄

吏部文章世所珍終慙無補費精神浮名膚外增餘  
贅薄宦戈頭寄此身養志吾方同那曼談書誰復問  
山賓自憐坐項三遺矢衰晚那能用楚人

秋晚偶成二首

纖纖晚雨洗秋容  
遶樹蕭然策策風  
萬籟自鳴群物外  
四時長在不言中  
坐臨流水襟懷冷  
卧對浮雲世慮空  
寂寞一塵吾自遣  
客朝泛更議楊雄

風飄浙瀝開諸鄰  
却掃衡門溷世塵  
天氣清明秋意慙  
夜光浮動月精神  
流年漸覺侵雙髮  
生理泛來付

大鈞臨水便同濠  
濮趣翛然魚鳥自  
親人

席上別蔡安禮  
予方赴調安禮赴博羅任

故里相看眼暫明  
一尊聊此話平生  
杜陵蚤被微官縛  
元亮今為世繹櫻  
長路關山吾土去  
春風梅嶺子南征  
結鄰一作廬莫負當時約  
早晚滄浪共濯纓

次韻安禮見寄

末俗相看老尚新  
交游千里更誰親  
蕭條身世聊安分  
迂濶行藏懶徇人  
宦路競羞關柝吏  
勞生誰息利名身  
我慙抱甕無機械  
幽興惟思水石濱  
冬寒兩齒忽覺動  
搖因成書懷



未年三十髮先彫歲晚俄驚兩齒搖都為踈慵成計  
拙直緣衰病覺形焦連經宿雨重裘冷旋煮藜羹野  
興饒擺脫塵樊猶未得不堪回首問漁樵

書懷

駸々塵土久方還直道謀身力愈難靖節每嗟嬰世  
網曼即何意出人間風驚駭浪潛鱗伏竹隱灣磯翠  
羽閑好去杖藜穿蠟屐伴雲隨月弄潺湲

汴上聞開月堤

天上行雲曳白衣半衙晴日在林扉盤花落雁驚還  
起啄食飢鳥起不飛榆莢青錢飄已盡月堤流水湔

相園征途處々塵隨眼多病長年與世違

陳留書事

烏檣風纜欲飛翔拍岸驚濤挽不前曲浦漲沙仍積  
凍疎林斜日自生烟崎嶇道路真堪笑放浪江湖已  
判年一枕晝眠無好夢空慙邊老腹便々

予自長沙還植蘭竹於東西軒調官京師逾年  
而歸蘭竹皆衰悴感而成詩已卯

柴桑衰晚愛吾廬三徑歸來手自鋤但得叔卿長飽  
飯不妨孝若老談書蘭因採佩枝先瘁竹為凌霜葉  
自踈留骨廟堂寧曳尾魯門無用祀爰居



和李侔游武夷

濃淡烟鬟半雨一作雨半晴溪光初借晚霞明  
鼇頭湧出

三峰秀三層峯最秀拔天漢融成一鑑清魏王峰頂有天鑿池粉社

有誰藏舊謀賓雲無處問遺聲  
幔亭寂寞仙何在勾

漏丹砂早晚成

荊州書事 二首

江湖泛一虛舟去作人間浪  
漫游歲晚光陰雲冉

冉畏途風雨日浮萬鍾信是樊中雉  
一棹聊同水

上鷗投老壘一作薄書成底事憑誰為種橘千頭

千里瀕江地可毛結廬何必故山椒  
載醪不過斜川

路飲水誰同陋巷瓢勿問雞虫閒得失  
但知鵬鷃各

逍遙黃塵滿眼僧窓靜坐對風花意已消

天寧節

祥開若水射瑤光淑氣先春景自長  
玉陛風閑飛綵

綬獸爐烟暖襲珠囊千秋節賜綵綬珠囊民間以此相饋遺雲門羽鶴

儀仙仗天上蟠桃薦壽觴已見晶輝環帝座  
定應長

照鼎宮傍鼎宮傍一星入主壽星也

閑居書事

虛遊幽草翠相環默坐頽然草色閒  
玩意詩書千古

近放懷天地一身閑踈窓風度聊歌枕  
永巷人稀獨



掩關誰信紅塵隨處淨不論城郭與青山

直舍大風書事寄循道

枕書無寐首空搔萬竅噓風正怒彌雪意浮空迷遠  
日月林梳影見秋毫幽迹所藉惟荒草妙理應須付  
濁醪誰念維舟江上客落帆千里壓雲濤

和席季成遊金鑿寺

朱甍碧瓦照孤城杖屨翛然野色清  
縠捲水風輕蕩漾珠翻荷雨自虧盈  
勝遊已覺非人境妙語寧須味玉英  
願借金篦聊适目不容幻翳有纖萌

送王克道游三茅廬阜

荆吳相望各天涯千里柴車鹿自隨  
解轡定應春晝日及歸宜待鶴來時  
三茅中峯每歲八月十七日羣鶴至克道當候見物乃可回  
聖賢莫負樽中渌日月長為物外遲  
若過匡廬訪真隱卧龍菴下有期  
願卧龍菴有劉道人言百歲壽

春日有懷諸友

憑几無聊晝掩扉芬々晴氣減春衣  
隔簾相應鶯初語背日連飛鴈北歸  
莫逆交游千里別遠來音信兩年稀  
追尋舊事成幽夢觸物心行事々非

望湖樓晚眺

斜日侵簾上下鉤簷花飛動錦文浮  
湖光寫出千峯



秀天影融成十里秋翠鷓翻風窺淺水片雲隨意入  
滄洲留連更待東窓月注目晴空獨倚樓

次韻晁以道

庚寅年出京

誰能載酒尋元亮共寄

一作把

無何作醉鄉便好收身

事農圃不須驚世露文章壺中日月春長在塞上烟  
塵客自忙千里同風無遠近木分秦隴與瀟湘

和錢濟明游官園

常州

虛舟觸物本無意看花得句慚非才名園古寺尋春  
色不暈勿鄙雙魚鯁是日與濟明遍遊諸平諸木奴院觀雙魚花抵暮至官園木奴  
千頭比封戶秋實付與江風催因思萬點愁人處何

似洞庭金作堆

蘇子美詩洞庭村熟客分金

過吳江

天水相涵翠有餘玻璃萬頃接方壺山浮晚照清如  
洗風遠飛帆細欲無漫叟未應甘皂櫂散人終欲傲  
江湖維舟况值鱸魚美贈疊銀絲飫腹腴

南歸書事

浪漫人間壓客塵衡門長憶鎖榆枌忘言擬盡輪人  
妙陳迹慵尋史籀文萬里功名心獨冷一廛耕鑿力  
能勤舊遊欲問南歸趣寂寞吾今過子雲

寸碧軒



龍山先生全集卷之四十一  
三百一  
隱、遙山列畫屏，簷間寸碧與雲平。低回席上遺簪，  
露彷彿，牆東翠黛橫。虛景遠，涵千里，色晚暉，仍借一  
溪清。春風景物知多少，可稱收身樂此生。

冬早書事

窈冥誰為宰，爐鎚榮謝唯。知歲序催臘，日未經梅已。  
綻春風尚遠，凍先開。愁無潤澤，歸芳樹，獨有餘寒着。  
死夢收盡浮雲天，愈淨。夜深猶起望三台。

齒落書懷

身上蕭條事，空齒牙凋落。勝衰翁，渴心尚欠冰凌。  
解病骨長思藥力，攻文几倦親塵土。暗斷編慵理，露  
魚封南林穩卧。陶公宅枕上，悠揚一榻風。



四十一 卷十六 伐孫世亭詩

龜山先生全集卷第四十二

詩五

七言絕句

書懷 以作

敝裘千里北風寒  
還憶簞歌陋巷安  
位重金多非所  
慕直緣三釜慰親歡

端午日 少作

悠悠南北各天涯  
欲望鄉關眼已花  
憶得親庭誰共  
語應憐遊子未還家

諸宮觀梅寄康侯



龜山先生全集 卷之四十二  
歌驅殘臘變春風，只有寒梅作選鋒。莫把踈英輕鬪雪，好藏清艷月明中。

勉謝自明

少年力學志須彊，得失由來一夢長。試問邯鄲欹枕客，人間幾度熟黃梁。

臘月見桃花

脂臉輕勻作艷粧，未應潔白似梅香。天紅不見凌霜裸，謾向春前取次芳。

過蘭溪

紛紛朝市競秋毫，江上霜風正怒號。不問揚濶與彭

浪，翩然東下日千艘。

夜雨

似聞疎雨打篷聲，枕上悠揚夢半醒。明日覺來渾不記，隔船相語過前汀。

重經烏石舖

夾屋青松翠藹中，去年經此亦匆匆。重來烏石岡頭路，依舊松聲帶曉風。

江上

寒雲暮、結秋陰。月淡霜娥冷，不禁更祝江波休蕩漾。莫令清影碎浮金。



淮上獨酌

廉纖晚雨洗輕塵  
天淡雲淨夜色新  
賴有麴生風味好  
不須邀月佐三人

吳國華暗香亭

謾愁青女妬新粧  
已有風傳處處香  
試問隱鱗溪上客  
欲將春色若為藏

虛心亭

山橫蒼黛碧巔峒  
亭對浮筠縹緲間

拾遺記蓬萊山有浮筠之蘇葉

青蕭散誰為三徑侶  
祇應長共白雲閑

容照巖

清時投迹在欽崙  
一穴晴光破晚陰  
刺草未容忘魏闕  
故應長有子牟心

藏春峽

山街幽徑碧如環  
一壑風烟自往還  
不似武陵流出水  
殘紅那得到人間

綠陰亭上

吳先生家

沙邊幽鳥傍清漪  
瀧下漁船逆浪歸  
身在輞川圖畫裏  
晴空惟欠雪花飛

病中作

通衢隔轍斷經過  
門巷空無雀可羅  
驅去兒童卧虛



龜山先生全集卷之四十二  
室蕭然惟一病維摩

春波亭上

城頭飛蓋映朝暉向晚遊人興未移安得魯陽酣戰  
手為留羲馭更遲

安禮以宏詞見勉因成絕句奉寄

萬鍾身外一牛毛斗祿紛紛漫自勞窮涸寧為獯獯  
笑未容仰首試鳴蹄

感事

桑麻腴地想榛荆騎士西來劔戟腥藜藿陋儒心更  
鄙但思干羽舞虞廷

藍田溪上

夾籬桃李趁溪斜淺  
清流映落花欲問武陵源上  
路度雲穿石認胡麻

白公草堂

爐峰裊曉烟輕雲入屏幃一枕清高興日應無世  
累獨於妾馬未忘情

久旱

農郊阡陌起黃塵望斷天涯絕點雲疎懶無情訟風  
伯幽窓時讀退之文

過七里瀨



龜山先生全集 卷之十一 四  
拂雲高鴈倚風搏下視平湖萬里寬搔首扁舟又東  
去錢塘江上看波瀾

扁舟東下幾時還一席飛帆插羽翰回首嚴陵臺上  
月清風千古逼人寒

勉懷

紛紛於我未忘情竦懶多應捨怨憎便好世間師桺  
憲不須巖下問孫登

按山候潮日潮一日潮起信是

向晚牛羊沙岸歸落帆烟浦候潮時誰言江上須忠  
信潮到于今自失期

徐郎廟

古廟靈場枕碧巔松揪依約鎖風烟羽毛一去無消  
息隨落人間幾百年

送陳幾叟南歸三首丙戌年

連墻東郭倦追尋高卧毗耶老病侵自愧屠龍真拙  
技謾令吾子費千金

霾風霰雨濕征裾隔雨樓臺半有無南去定逢韓閣

老歸愚當見問夷塗是時幾叟過四明見了翁

幾年夢想到親闈身逐行雲萬里飛茗水未殊沂上

樂春風無負舞雩歸初授餘杭



龜山先生全集卷之四十一  
和陳堂中了齋自警六絕

畫前有易方知易曆上求玄恐未玄白首紛如成底  
事蠹魚徒自老青編

八荒同宇混車書一視那知更有渠憑拭自應由砥  
道徑蹊無處問歸歎

行藏須信執中難時措應容道屢遷一日全牛無骨  
緊駘然投刃用方安

造次欲安嗟孰是參前無物若為書蕭條此意人誰  
問興廢由來命也歟

聖門事業學須疆俚耳後來笑折揚詭遇得禽非我  
事但知無有是吾鄉  
盈科日進幾時休到海方能止衆流只恐達多狂未  
歇坐馳還愛鏡中頭

附了翁自警

本無一字堯夫易八十一篇揚子玄今古是非那  
復辨仲尼尤不廢常編

文章難寫伏羲書字外成篇始見渠賜也餘分可  
不可一瓢居士只如愚

過時不易始為難執處那知是變遷度盡千山無  
鳥迹不勞傳語報平安



手在何憂弓力彊巧窮那得必穿楊太和有味人  
人飲誰識醒時是醉鄉

仲由行行終身誦師也堂堂帶上書五柳却能知  
此意無弦琴上賦歸歟

只說為山不說休山成日夜水橫流惜哉覆篲成  
迷復只欠當初一掉頭

閑居書事

輕風拂拂撼孤檉庭戶蕭然一室清  
隔葉蟬鳴微欲斷又聞餘韻續殘聲

送席二伊川峇

振衣丈席想多聞高節應能與俗分  
不用早飛入出谷定知喬木在青雲

寄游定夫

在穎昌後明道先生

絳帷燕侍每泛容一聽微言萬慮空  
却愧猶懸三釜樂未能終此挹清風

蕭條清穎一茅廬魂夢長懷與子俱  
五里橋西楊柳路可能鞭馬復來無

合雲寺書事六絕句

獸駭禽鳴蔚蔚中難將此意問鴻蒙  
縈回小徑蒼苔滑杖履從今恐不通



北山山下一漁翁形解心凝骨已融  
支枕睡餘人寂寂一軒明月滿窓風

山前咫尺市朝賒垣屋蕭條似隱家  
過客不須攜鼓吹野塘終日有鳴蛙

夾屋青松長數圍午風搖影舞僛僛  
幽禽葉底鳴相應時引一作殘聲過別枝

竹間幽徑草成圍籬籬枝穿雲翠滿衣  
石上坐忘驚覺晚山前明月伴人歸

蝶夢輕揚一室空夢回誰識此身同  
窓前月冷松陰碎一枕溪聲半夜風

### 荷花

照眼紅雲闌晚霞重了青蓋半傾斜  
會須直跨三千仞移取峰頭十丈花

### 宜春道上

斜；疎柳照清漪籍；殘紅自滿蹊  
刺眼藤梢牽不斷歌尋流水路還迷

### 宜春道上

艷杏天桃日日稀空餘淑氣尚遲遲  
誰人為作留春計莫放風花自在飛

### 過豐城



清江渺渺綠浮天  
博物無人繼昔賢  
應有斗間靈氣  
在誰能更與斲龍泉

瀏陽五咏

洄淵浩蕩白鷗飛  
老懶時來坐釣磯  
岸幘行人聊自

適不應憔悴似湘縲  
右渭水

簾捲晴空獨倚欄  
真鴻點點有無間  
秋風注目無人

會時與白雲相對閑  
右歸鴻閣

芙蓉彫盡蕙蘭芳  
秋屢脩然一曼郎  
鳧鶴短長盪復

一作無足問但知鵬鷄兩相忘  
右飛鷄亭

柔條踈蔓綠交加  
烟鎖雲涵去路賒  
繡紱貂纓無處

問空餘雞犬兩三家  
右相公臺

聖童去後水雲閑  
陳迹難尋草木間  
獨有微言傳野

火洞天寂寂  
一作在此在人寰  
右洞陽  
孫思邈修真所

縣齋書事

簿書投老豈身謀  
朱墨紛々晚即休  
平世功名歸稷

禹一瓢吾欲慕巢由

一去人間二十年  
空餘飛雪上華顛  
清時最<sub>有</sub>求田

樂未愧陳登榻上眠

身名於我兩悠悠  
形影相忘懶贈酬  
擬把一竿滄海

去漫然清世一虛舟  
一作不應沙  
上<sub>有</sub>驚鷗



醴陵丁君洋洋亭

依蒲泳藻兩相忘  
宛有江湖氣味長  
凭檻翛然真得計  
祇應幽興在濠梁

安西聞捷

三首 呂吉甫持節

鷹揚塞外得非熊  
萬里金城一箭通  
玉帳投壺隨燕豆  
坐看飛將縛驍戎

將軍新擁節旄閑  
紫塞雲浮豹尾班  
白首邊城休悵望  
馬蹄未出玉門關

雅歌不待來天馬  
謝質今應閉玉門  
早勒勲名上彞鼎  
放回春色滿乾坤

出尉氏

隔林殘雪弄輕風  
日射晴光玉縷紅  
桃杏渾如梅欲綻  
直疑身在故園中

感事

權門車馬日紛紛  
寂寞多應笑子雲  
玄白定知非世尚  
解嘲那復彊云云

過廬山遇雨

江風吹雨逐人來  
行過山前首重回  
絕頂隔雲看不見  
石稜崖角獨崔嵬

題詩長老壁



維摩病士意超然邊腹便便但晝眠共說平時忙底  
事烹茶煮藥過殘年

東林道上閒步三首

寂寞蓮塘七百秋溪雲庭月兩悠悠  
我來欲問林間道萬疊松聲自唱酬

百年陳迹水溶溶尚憶高人寄此中  
晉代衣冠誰復在虎溪長有白蓮風

碧眼龍眉老比丘雲根高卧語難酬  
蕭然丈室無人問一炷爐峰頂上浮

江上夜行赴荆南道

水壺歛灩接天浮月色雲光寸寸秋  
古別鮑云碧瀾之下寸寸秋色  
不用乘槎厲東海一江星漢擁行舟

過石首謁縣官回有作壬午十一月

萬事紛紛醉即休無功可作酒泉侯  
誰能載取千缸去且向舟中打拍浮

直舍書事

鱗池面水初生萍底青蛙自在鳴  
誰使幽庭當鼓吹雨餘時聽作新聲

登峴首阻雨時自荆南入京

羊公風績幾經秋獨遶龜妖為少留  
欲問荆人尋舊



事一江清泚自東流

江浮雲影抱層欄雲外青山一水間盡日倚闌看不

足杖藜欲去更回還

江風飛雨上雕欄庭樹蕭蕭景自閒向晚微雲遮不

盡好山渾在有無間

庭前古木已經秋天外行雲暝不收倚杖却尋山下

路一川風雨濕征斡

春早

雲天暮暮漏微光踈懶惟添睡思長枕上隔離聞鳥

語半殘春夢更悠揚

出郊

雲根修蔓綠成陰風雨園林嬾重尋春自去來人不

問碧桃朱李付幽禽

春日五首

春深不見鷓鴣聲百舌時聞自在鳴獨步移床卧深

屋細看新燕巧經營

薔薇正好結花棚擬為幽軒作錦屏窮巷寂寥人不

到空藏春色鎖深扃

一番微雨一番晴淡淡一作春容照眼明庭外幽花

自開落飛揚無處覓殘英一作可憐蜂蝶謾多情

龜山先生全集卷之四十二 二百七十八



晴明百鳥轉新聲推啄幽花折粉英冷坐隔簾呼不

起惜春無計若為情一作與忘情

雨餘殘日照窓明風弄一作行雲點點輕坐對庭陰

一作獨人閒寂時聞蛛絲掛虫聲

### 春曉

雲靄浮空一作雲半雨晴茅簷未忍掃殘英欲尋春

物飄零盡只有黃鸝一作兩聲

浮花浪藥自紛紛點綴梅苔作繡茵獨有倚蘭香不

歇可約幽佩繫餘春

### 病中作南京

此身如幻病何傷白日無人景自長寄傲南窓客膝

地時時飛夢一作清夢到羲皇

過篔簹日晝如燔睡轉庭陰始一反縱有諸人來問

疾昆耶居士已忘言

寄形一榻日遽然倚杖支頤髻指天莫逆過門無子

祀時來鑑井自躄躄

古椿朝菌已忘年貧病寧須更問天石彈不妨隨物

化自求鷄炙自應便

### 病起

竹風帶雨作秋聲半睡惟聞鳥雀爭老病良殘惟骨



立白頭看鏡不須驚

題陳宣事烟波泛宅

忘懷纓紱寄浮居  
來泛烟波擬釣徒  
我欲他時清洛上  
為君正櫓作鱸鱠

偶成

綠鬢潛驚老境催  
更憐衰晚困低回  
但知周道平如砥  
莫問崔唐灑灑堆

悠揚春夢成幽興  
冷落溪光醒酒魂  
天濶雲浮遮不盡  
浪平風過杳無痕

右溪上

龜山先生全集卷之四十二終後學官首贊刊

跋

龜山先生文集後語

後學豐城李瑄撰

東南理學倡之有宋者龜山楊先生  
倡之我

朝者康齋吳先生二先生之學大畧尚  
躬行而寡著述而出處一節則有就



有不就焉余以二先生皆誦法孔子  
龜山先生當微欽積弱之時國勢不  
振凡在忠臣義士孰無尊主庇國之  
心苟可以就當委曲以赴功名之會  
此以可而學孔子者也康齋吳先生  
當

英廟復辟之初

剛明在御即石亨寵任方隆亦逆知城  
狐社鼠終無能爲故堅去以全晚節  
此以不可而學孔子者也易曰或出  
或處二人同心此之謂矣龜山先生  
固已從祀孔廟而康齋先生猶然宮  
墻外望誠

昭代一缺典也且白沙敬齋二先生俱



康齋先生高弟白沙敦齋以言官議  
祀而康齋先生之祀獨缺焉弗講豈  
事固有待歟余嘗謂康齋先生以布  
衣興起斯文其精神氣力當不在孟  
子下龜山先生之集得林令之刻而  
全林令行有省臺之書以者將無意于  
康齋先生乎余因跋龜山先生之集  
而併及康齋先生之出處以俟夫知  
言者

明萬曆十九年歲在辛卯閏三月朔日



龜山先生全集後敘

後學海陽林熙春謨

夫有宋來理學稱東南矣而要之東南理學至千萬禩推為鼻祖者夫誰與歸哉龜山楊先生產閩巖邑去谷蓋六千里餘矣風氣阻絕與環齊魯而居如七十者如三千者遠邇真天



壤然先生乃度樵川涉盱江泛彭蠡  
泝江而漢而汝以逾于洛數年師事  
伯子即嚴寒深雪跬步不離比歸而  
伯子且目送之曰吾道南矣自是而  
豫章氏延平氏元晦氏為東南正宗  
者孰非始自先生耶先生之晚出也  
後生少年猥有臆議此未度于時耳

有宋式微滿朝和筴誰為砥柱先生  
力持恢復書至六七上而無少變其  
說倘所稱善學孔子而庶幾不磷不  
緇非耶君子曰使當時盡用其言亦  
須捄得一半真知言矣先生之學之  
所自来有諸名公敘在不敢贅第其  
集僅存什一即薦生地猶爾謂續先




范後何余自官司理家得繕本為卷  
四十有二為篇七百有九為字約二  
十一萬八千有奇迺告表章事所部  
督學使耿公報可而鄉之縉紳若楊  
若揭若張若徐等各助貲至若干金  
遂召剖劂而付諸楮木蓋始工於庚  
寅八月脫板於辛卯二月書成上之

大中丞趙公趙公經文緯武餘復讐  
校夾若豕焉以布諸八閩百世之下  
考東南流派得以遡宗及祖者則此  
書實左券也雖然先生特理學為世  
真儒耶自試令而直閣所至有用匪  
屬空譚今余髮駸駸長無聞猶幸吏  
先生闕里也倘吏先生闕里輒夷鄙



闕里之生生息息者即盡取逸辭隻  
語裒之恐亦無當先生矣是為叙

萬曆十九年歲在辛卯三月朔日





程